

中國宗教歷史文獻集成續纂委員會續纂

卷一百一十五

藏外佛經

新學佛經
PDF

中國宗教歷史文獻集成之一

藏外佛經

新學社
PDG

中國宗教歷史文獻集成編纂委員會編纂

藏外佛經

第十五冊

黃山書社

新學
如
學
PDG

图书在版编目(CIP)数据

中国宗教历史文献集成. 15, 藏外佛经/周燮藩主编; 方广锬分卷主编. - 合肥: 黄山书社, 2005. 10
ISBN 7-80707-295-4

I. 中… II. ①周…②方… III. ①宗教-史籍-中国②佛教-文献 IV. ①B929.2②B94

中国版本图书馆 CIP 数据核字(2005)第 117045 号

数字图书馆
PDG

藏外佛經第十五冊目次

密藏開禪師遺稿二卷 道開撰 清刻本 一

藕益大師淨土集二卷 智旭撰 民國鉛印本 九一

了凡四訓 袁了凡著 民國鉛印本 一四五

陰騭文圖 著者不詳 清刻本 一七三

入香光室二集 了然著 民國鉛印本 二三九

中有論二卷 王先博著 民國鉛印本 二六九

天臺宗綱要 靜權撰 現代鉛印本 二九四

因明入正理論疏節錄集注 梅光羲撰 民國鉛印本 三四二

南山律在家備覽 弘一撰 民國鉛印本 四二五

道開撰

清刻本

密藏開禪師遺稿二卷

密藏開禪師遺編序

法界乃法界人自心共成之法界原不限人于聖凡同異人不以法界爲心不以法界爲事則彼人自異于法界非法界拒彼人也人能以法界爲心能成法界之事則法界是此人自能爲主亦非此人別主心外之法界也予初讀普賢行願品于諸供養中以法供養爲最乃至常隨佛學毘盧遮那如來從初發心精進不退以不可說身命而爲布施剝皮爲紙析骨爲筆刺血爲墨書寫經典積如須彌爲重法故以至與十方法界同證菩提猶念念不捨予乃大驚曰此

序一

正以法界爲身以法慧爲命而爲十方法界之主中王者也因發願作懺聖草中有刻經著述章皆以法爲續佛慧命後讀徑山刻方冊藏緣起諸公極稱達觀大師與密藏開公能創發此大事且引昔有老尼以刻藏之緣自斷其臂誓開此板至沒身未完其徒小尼善繼師志亦斷臂而終其事予又訝曰此二尼豈海藏龍女能轉身爲大丈夫而成無垢界正覺乃今復有達密二師資而乘遮那如來風願成此法藏之始終果海者乎此予所謂有能以法界爲心法界爲事者又誰于心外能同異之哉更有最異而可疑

者密公既從達師創刻藏因緣于五臺又議遷此板于雙徑楞嚴事將成而隱去却不能如彼尼子以終其前志而更遺憂于其師者何哉蓋天下美事造物不與人全密公知此舉將成不若讓功與同門者併力爲之使此板有終又或藉此自退以幾諫達大師處尤于無悔此非泰伯與夷齊以忠孝爲仁讓者何能若是乎今秋予倚杖泉亭門人樞子游雙徑值王祖叔居士談及往事因囑按指上人持其先祖密大師親書發願刻藏文卷及其遺編屬予爲敘及讀之乃知密公真不出予意之所逆也願文中以萬曆壬

序二

午于紹興見古寺殘碑載勝國時會稽郡大藏板凡七副因感泣刻板之在一郡者且爾其流通天下者當何如哉况我明僅南北兩板法道陵夷莫此爲甚遂願畢此生身命募刻方冊板廣作流通尋入樞李得觀達觀老師兼晤焉開之諸公業已先發是願即共訂盟從事予于此乃見二師真夙願再來不謀而合也至閱遺編雖是爲刻藏因緣與妙峯慈山諸大尊宿及陸五臺焉開之諸大老書劄其中多自敘叅學及就事隨機激揚啟發非忠君愛國之微即本分生死之事或拈提向上機關或指點今時利害刀

見血殺活有神誰謂此公非了手人非登壇士其語
非說法拈頌爲不可視如今時雜出之語錄乎因果
不昧乃今六十年後有脚下兒孫如按指者搜出此
卷編能使我輩贊成以公後世不獨大藏因緣愈見
達大師能不惜身命爲法界主盟及諸名公之願力
有光而此如來藏性種子更當熏發此五分法身也
予方在長干命門人松影麟子與諸護法共修大藏
梵冊板又得此證盟今日之願與有法界爲心者益
不設自懈而成此主中主之大事云

戊戌秋日浪杖人道盛題于崇光之雙桂閣

序三



密藏禪師遺藁序

密藏開禪師遺藁法孫按指上人所收輯也藏師英
偉雄駿千仞壁立爲紫柏尊者上首法筵海衆所至
雲涌定中知本師將有王難刺血上書一夕隱去師
資閱現羣龍無首諸天鬼神猶不能測知而況於凡
心凡眼乎遺稿多所與羣公書問誣諉勸勉以扶正
法刻大藏爲責任其爲人仕者教忠顯者教退亢者
教隱競者教恬根器懦弱者醒之以月愛情塵軟煖
者觸之以冷雲筆舌聰明自負宗眼者必勦其拔援
搜其負墮俾命根剝斷而後已智眼分明慈心諄複

錢序

熱血痛淚至今凌出於紙墨之上以方袍世外之人
省邊略憂國計當貢場欵塞之日抱靖康左社之虞
人謂其杖屨遠遁蓋已懸鏡今日非偶然也國朝自
楚石泐渾已後師絃絕響崛起爲紫柏海印二大師
而藏師爲紫柏之嫡子龍樹言那伽或言龍或言象
水行中龍力大陸行中象力大此三人者豈非龍象
乎難陀跋陀二龍王護持正法修羅將戰二龍王身
繞須彌山動雲布以尾打大海浪冠須彌切利天
始知修羅欲戰而嚴攻伐古來尊宿大師現身出世
蹴踏天下自然有如此氣象其不然者則騰蛇兩斷

蜴爾種性既劣威神無幾顧亦欲噓雲喻霧激海水而冠須彌焉可誣哉藏師此文皆叢殘不經意之作方諸二老如流星之奔灼灼燿燿作有聲曳其後而殷殷於天漢之間其它皆蚌珠燭火流照咫尺誰得而並之二百年來豪傑間作法運通塞文不在茲或者猶欲以餘分閭位竊竊然議其統系佛言譬如窮人妄號帝王自取誅滅孔子曰小人不知天命而不畏也可不懼哉往在武林與天界覺浪和尚明燈夜談相對嘆息其為藏師葉序亦出少分而浪老又順世去矣撫卷摩娑泫然流涕者久之

錢序

上章困敦之歲辜月長至後二日海印弟子虞山錢謙益謹叙



密藏禪師遺稿序

衆生證佛原以究明若度世非其則無生亦妄佛於歷劫後種種世界之事無所不知而善知識於數千里外數十季後之事未有能一語中之者雖終日談空說妙求豪傑不退菩提心不可得也予生平未嘗究心內典而先君遊於紫柏尊者之門以密藏禪師爲畏友每言尊者門牆高峻而師穎悟絕人於書無所不讀先得長生久視之道自謂當世莫之與京初見尊者對坐引古今論性命尊者不答至三晝夜尊者知其機鋒已盡始語之曰吾以汝爲奇男子乃舍

干序

沸矢噴人耶師大驚悟伏地叩頭流汗透體從此追隨杖履幾二十季師立志刻書板大藏流傳於世而尊者與馮太史輩已有同心萬曆丙戌師弟同入京師慈聖皇太后知有刻藏之舉欲發帑金命刻尊者謂宜令率土沾恩師願以一身任事遂撰文廣募隨立規條始於五臺之清涼後移於雙徑之寂照師多方拮据親自較讐一時遺書諸名公大率爲此尊者再入京師將了園中自在之偈師知必及於禍遂刺血上書遁去尊者覽書墮淚曰吾尚有一副鉗錮斯人去無所用之矣師不欲以文章自見故多散失

且無刻本今師之五世法孫按指上人欲竟師刻藏之志搗帥遺稿來自徑山索序言於予將付之梓予捧誦之不覺掩卷歎曰嗟乎以命世之才逃入禪林無惜乎世事之莫辦也予不知佛法不敢強作禪語但能言吾所明不言吾所疑吾所明者未必是佛菩薩吾所疑者的是地獄餓鬼畜生則有一語普告緇素藏師當日談世事痛哭流涕如老成憂國每及陸沈愚者以為狂言即智者亦以為過慮至今其言已孚於卜筮談佛法亦痛哭流涕如佛祖慈悲逆生舌上不特大衆懽喜讚嘆得未曾有即紫柏尊者尚視

于序

二

之若摩尼珠若獅子吼立其了生死反不能如燈取影耶

金壇後學于元凱題於雲林之墨允亭



客藏禪師遺稿序

丈室之內牀書連屋桐陰拂指予顧樂之欣與影謀於時秋也幽煙冥緬空林綿淡素月昭開庭芙蓉映衰柳為誦秋水伊人之句童子昇籬菊數本置几案間因燒燭看壁間影恣影靜影傲影竹月蓬答影類禪機明妙渾脫瀏離致足悟也夫俗世常戀予素勿歡顧獨耽本業偃息萬卷中比又涉禪鑽義義格捨義義牽鐵牛背虱苦無人處乃心獨好之謂有情水升空境秋澄衆生總是佛身大地罔非淨土也夫古德舒公貴空能所真如弘覺務活慧根是以青蓮喻

序一

法重開却外之花寶月懸空一洗區中之霧使道體淺薄徒啗聲聞牙藩口脛陳因相續庭檜何香西來何意此燈不傳久矣至若德契勝蘭聲追安遠探鷲峰之秘青襲龍對之芳猷意殊異性月同明戒香與覺花齊散固已機鋒如箭抑且義學如淵則予于密藏禪師有深慕焉乃時遷世遠法語沉湮厥五世孫按指賴公欲紹刻藏之願蒐摭遺編竟得于耆舊之手而手澤箋疏復出之荒院之間雖禪師之慧覺長存乎亦賴公之善述也予友丹山吳山人為賴公倡以壽之梓索并予予讀之見其或矢願于度生或

銳志于弘法或踵會元而直入或精彼岸而誕登或
慷慨于家國天下之間或預識夫成敗興亡之際其
克肩鴻鉅露之于重刻方冊大藏及興復傍嚴禪寺
乃終蕭然絕塵暉蛻世羈之外何也要知海水非音
聞蛇非字池艸奚關詩句江峰寧涉禪心然解者得
之則陋彼僅榮珍斯天性故祖家欲燒故紙文家欲
琅函寶甃總成活句讀是編抑深于秋水伊人之思
矣霜氣肅林月光透紙予將叅密師于蕭疎菊影間
密師其許我否

序二

戊戌季秋止庵居士王祺題於溪上之松浮舫



刻大藏願文

手卷存之徑山另錄此策留

吳江周季華居士處俟藏事告成附刻

藏緣起後願力深廣定有繼起肩荷者

無慮其不克終也道開謹書為左券

本師和尚同

開之 仲淳兩居士證明

密祖願文刻於戊戌冬 諸大士願文并
券語辛丑五月書光法姓從 吳江周安
石居士處得來亦時節因緣殊 吳江周安
意因全刻於藏時幸此重九焚香謹書

願文

凡世間創一物建一事垂一語立一言必精誠兼
到故垂久而不沒即沒之而後有以慕思精感者
必獲焉按指公幼為沙彌時忽得密藏大師墨跡
刻藏願文如親授受而悲喜珍重後二十年又得
同時諸明公同日發願文今知密大師以書帙龍
藏流通天下後世雖功不與焉而不知彼時垂一
語一言皆精誠般若之流出今五世孫按公又得
輯而梓之衍得而觀之能無慨繫數語以誌緣偶
云爾鏡花頭陀中衍謹書於古梅蘭若



刻大藏願文

道開既難榮卽知作佛子當報佛恩蚤夜矢心顧不知報
佛恩事當何出萬曆壬午從補恒天台詣武林於紹興道
中忽見古寺殘碑載勝國時會稽郡大藏板凡七副因感
泣思惟板刻之在一郡者且爾其卷軸流通在天下者當
何如哉迺我 明僅南北兩板法道陵夷莫此爲甚遂願
畢此生身命募刻方冊板廣作流通尋入樞李得侍 達
觀老師兼晤馮開之居士輩則老師暨諸居士業已先發
是願卽共訂盟從事遑遑三載莫得其緒丙戌春走長安
籌之傳金沙居士輩反覆思究審知善建事者必先植本

願文

二

本植則枝幹卉葉自然叢成乃定以善信十人歲各捐貲
爲唱緣又一人則各勸三人爲助緣蓋分之既易爲施易
爲勸而合之則其貲甚裕又其功爲有繼至於捐助之廣
勸發之多不可思議格量固自有 諸佛威光臨之諸善
信願力持之照糾事之初則不得不以是爲定則也居士
等因一一發心且各疏其願盟之 諸佛并歸道開以爲
他日經成之券道開藉十大士深心弘願得畢竟是事以
報佛恩卽碎頭目髓腦作栴檀香充遍法界以供十大士
猶爲未盡願與十大士共證之

萬曆丁亥春正月望比丘道開焚香謹書

刻大藏願文

密藏大師唱化國中刻全藏以廣流通此東土一
大因緣也青原人曾乾亨一聞發歡喜心深惟下
劣自聞佛乘以來日用四威儀中恍然別是一世
界每誦內典一句一偈便覺靈根滋長矧此全藏
如大雲雨克徧大地叢林卉木靡不沾潤欲報
佛恩舍此流通奚先哉乃矢心自服官以至歸山俸
貲隨分捐助轉相化導效此涓埃無始以來漏業
消殞速徹無生及四恩三有微塵衆生同此願力
同滅罪垢同悟菩提飲一滴慧水卽泛妙莊嚴海

願文

三

出萬劫沉輪立証毘盧法身十方虛空尚有量我
此宏誓永無邊

弟子曾乾亨百拜謹書

刻大藏願文

宅自小年每每衆聲宣揚

佛號則悲淚不能自止後讀 大阿彌陀經於吳縣齋中方及半而痛哭流涕襟袖沾濕亦自信夙緣非偶 佛恩難報但未知所以報耳及讀楞嚴有云將此深心奉塵刹是則名為報佛恩乃知欲大報 佛恩莫若廣揚 佛教即自今生今世以至萬劫千生虛空有盡我報無窮是以開密藏上入流通大藏之議而欣然樂為謀始且約諸名德共為助緣在官則有俸可捐去官亦隨力為施更復轉相勸化資益無

願文

四

方惟願 諸佛菩薩共作証盟旗場起處工用咸來法鼓鳴時衆聲寧寂放大光明於無量世界布大利益於無量衆生人身有生老病死善念常存世界有成住壞空正法恒在宅願將頭目髓腦髮膚爪齒一碎為微塵隨風飄揚分向各各世界各各衆生前賢此功德便使此二微塵身代一切微塵地獄諸苦有大歡喜矣宅有兒爾庚甫八歲似有種性者甚惟達觀老師及藏兄所憐今以身師事 達觀老師而以兒事藏兄助緣隨化父子共之云

弟子傅光宅薰沐和南謹書

刻大藏願文

我

佛菩薩視衆生沉沒苦流不啻身受其苦欲拊之覺岸乃竭其慈力因病授藥巧譬曲喻慰懃友覆誘掖衆生故有是一大藏稷自髫歲則喜讀其言今年已四十顧根器凡狹菩提涅槃尚在遙遠然歷諸患苦患苦恬謐歷諸險阻險阻坦夷仰荷慈力深遠難量旋視九界衆生其患苦險阻如稷者過於稷者殆不可勝計念是而不贊 佛弘化則真斷 佛種性之忍人慈值密藏師兄欲梓方冊

願文

五一

全藏以廣流通欣然契心遂尾諸淨侶長跏趺佛前而說誓曰 願畢我形壽力荷此法藏苟可效我力靡所不自竭念昔 佛菩薩以此法藏故剝皮以為紙析骨以為筆書寫此經卷積如須彌山今此真丹國陟瑤瑩於玉無事以我皮克此法藏用使我皮可用剝所不敢辭域有蒙氏筆無事析我骨使我骨可用析所不敢辭我今雖食貧檀賫當勉具歷仕及歸農隨緣力為辦不直此一生願盡未來際常以此法藏普度諸衆生

那羅延窟學人瞿汝稷盪沐槃談書

刻大藏願文

文獻涸風塵久且根器鈍劣無能窺大道頃歲從
達觀大師

密藏禪師稍聞緒論始知

佛恩最大欲報無繇中夜思之可勝悲感會

藏師兄倡刻全藏

諸同志捐資助之間以語文獻文獻竊惟古之閒

士或以半偈捨身隻語析骨文獻悲夫哉乃敢遜
於前茅而令大教流通法霖普被所以上報四恩
下識種種罪業孰逾於此遂欣然願豫斯盟藉斯

要

六一

願力或得早證菩提不致沉淪永劫云爾

丁亥春正月穀旦學人唐文獻

刻大藏願文

往在吳中間

達觀密藏兩大師微刊大藏因緣私竊喜之恨不口

夕就不自意復從傳金沙諸君子畢是願也歲丁

亥上元 密藏師約赴龍華道場各發願言成就

是事以儀稽首向

佛而說願言曰

山河大地本清淨云何世尊出世間四十九年所
說法胡為在在咸欽仰良由衆生夙業重非此莫
能成解脫試觀末世諸苦楚何者不由貪嗔癡使

要

七

得一聞半句偈豈不回心證所有奈何經義久寂
寥縱能持誦不自解儻使大藏徧

十方十方應有發心者開今既已作是念我等寧無

贊嘆心願輸生平俸所得積日累年證斯果更為

廣約諸同好隨所布施報

佛恩唯願諸神咸擁護務俾佛法廣流傳凡我同盟

諸君子生生世世為眷屬

三世諸佛作証盟當知所願必成就

南嶽居士曾鳳儀薰沐拜手書

刻大藏願文

佛弟子琰少事血氣去書學劍適志表馬凡所
泥犁種子事心快稱勝自與友人繆仲淳氏周叔宗
氏遊委曲導引痛恨前非及壬午籍仲淳侍
達觀老師得爲

佛弟子乃飄然一洗舊習始知千生罪業半尚能銷
生死大事彈指可畢自非

諸佛衆生苦惱無有了助因知

佛恩當報願恩報

佛深恩莫若闡揚

要

八

佛化廣利羣生啣之已久未令其緣比以世澤來口
都門濫竊冠裳虛糜廩祿

國恩日重慚愧日深適吾 法兄密藏募刻大藏爲

書冊揚法利生莫過於此遂發願捐歲俸唱斯勝緣

此經成日願盡大地衆生見者聞者一言半句觸著
輒著頌微圓明直取無上菩提惟此功德琰籍之報

佛恩報 國恩銷罪業又或朝市不久留當如歲

俸與大藏終始願王不動

諸佛證盟

萬曆丁亥正月望日佛弟子徐琰和南謹書

刻大藏願文

玉立始生徵母氏夢知先世從僧伽來既壯獲承事
達觀老師稱弟子始歸成法道十方三世佛事願一
肩荷之摩頂至踵致之

法王凡有一涓滴一毛髮可以報

佛恩奉揚 師訓者即蹈鑊湯爐炭令此身碎爲微

塵立歡喜奮決蓋虛空可隕此願不可移也萬曆

癸未緣父母少所訓習詩書濫廁科名承乏郎署

服官以來虛糜廩祿無有尺樹寸效仰酬

國恩早夜慙懼會吾 法兄密藏募刻大藏遂發願

要

九

捐每歲俸貲爲唱緣卽去官亦捐資如俸以終始
其事諦知建不世之勳庸不如爲

國家廣一滴菩提水且立既暫作王臣便當作王臣

中佛事此功德願我

聖明發菩提心大揚慈化停毒蒼生又願此經刻成

盡大地有情見者聞者諸開智眼永息苦輪微証

無生等躋覺位又願此經於佛法滅後放大光明

照耀一切願王不動

諸佛證盟

萬曆丁亥正月望日佛弟子于玉立和南謹書

刻大藏願文

惟明世染堅凝智種涼薄向惟有志翰墨及壯尚
不曉身心性命為何物釋典為何書萬曆甲申夏
友人繆仲淳氏自真州招余過義興之善卷得侍
達觀師稱弟子始知窺向然終以障蔽深重每展卷
即昏沉瞌睡先是明將發義興夢入大伽藍見鑄
巨鍾火光蔽天日以語師師謂此法音吼擊法炬
光明之兆今諸名卿開士欲別梓藏典廣流通爾
其或有緣于此藏中弘明集實文字般若前茅宜
先就梓啓世裨贖爾亦可籍是蕩滌情染發榮慧

願文

十一

種明遂從事如師命丙戌冬刻就緒以他務入燕
都會藏兄盟諸大士唱舉斯事明遂願與盟或自
力或籍他力願歲捐百金與斯舉相終始儻賴
諸佛菩薩冥加得溢于盟要之外尤至願也惟此願
王徧入塵刹即劫窮一切法藏殞滅盡而我輩此
刻如金剛牟尼不毀不變於一切有情推諸邪見
照諸昏暗滿足諸嶺坳困苦直至
彌勒下生遞續不乏惟

三世佛陀証知我願

萬曆丁亥四月六日弟子吳惟明稽首和南

刻發願文

袁了凡居士親書手卷真蹟現存
古梅菴北丘吳賴摹梓

我聞如是釋迦牟尼佛從周昭王甲寅季四月初八
日降生至周定王癸酉年二月十五日入涅槃正法
住世五百季始于周定王甲戌年終于周貞定王癸
巳季像漂住世一千年始貞定王甲午季終梁元帝
癸酉末法住世一萬年始于甲戌至大明嘉靖癸巳
歷九百七十季弟子袁黃於臘月十一日建生後太
九千三十季癸丑滿一萬年月光菩薩出此方說法
度衆生滿五十二季入涅槃普楞嚴經般舟三昧經
先戒不現餘經次第滅無量壽經後百年滅至大惡

發願文

十一

莊南嶽思大禪師發願誓求神丹大藥得長壽五通
修習禪定次求六神通具足一切瀝門成無上遺度
諸衆生持令經發永永不滅修習苦行具足佛道功
德而見彌勒佛我今六發願先求神丹大藥誓造全
部藏經書板普徧流通永立不滅

稽首歸命十方諸佛

稽首歸命十二部經

稽首歸命諸大菩薩四十二地諸賢聖僧

稽首歸命一切緣覺聲聞學無學衆又復

稽首釋梵四王天龍八部眞空善神護法大將袁黃

自惟無始以來迷失真性福緣淺薄上不得值釋迦
出立下不得蒙正法像法諸祖師提撕了性用足沉
淪六道枉受輪迴今幸生末法人道中誠心懺悔破
戒障道重罪勤修種種善道觀諸衆生現溺苦海不
願生天獨受樂趣觀諸衆生昏迷顛倒不願繫聞緣
覺自超三界觀諸衆生未成佛不願先取泥洹但願
諸佛憐我賢聖助我即賜神丹或逢仙艸證五通仙
果住五濁惡土救度衆生將此深心永奉塵刹而見
月光菩薩助揚聖教復同南嶽思大禪師齊見彌勒
親蒙授記時刻藏經時將廢壞即出修補力持大法

發願文

十二

永不息滅又願淨六神通智慧頓開辯才無量一切
法門靡不精達世間衆藝高擅古今使外道闢提垂
首折伏又願祿位偕崇才德並茂凡所施為皆有實
際播種希稷河渠效禹敷教同契制佐俾姬旦剛述
齊孔丘種種勳烈萬世永賴馮籍寵靈護持正法禁
塞邪途闡明正教使朝廷設科取士皆由釋典衆生
從髫年受學即聞佛誨所刻藏經人人樂檢立世勤
持灑布無窮不可思議非貪季壽非慕名聞非耽富
貴利達為護法故不辭塵世特假勳名佐如來之金
湯護正法于無盡懇求滿願日誦

佛母準提咒惟願準提菩薩摩訶薩慈悲攝授自于
萬曆癸酉余偕幻余禪師習靜于武塘塔院時髮脫
友昕夕扣門注往來縛于五儒之說頗興疑難予謂
衆言淆亂折諸聖佛教入中國時堯舜周孔已沒聖
人不作孰與振衰傳契韓愈之徒挾其豚心騁其淺
見而妄營之宋儒遂祖之而布之訓詁今後世學者
為童蒙時輒已入其說而蔽其正見未嘗測其廣大
之境即已疑其虛無未嘗窺其堅固之門即已疑其
非滅間有一二豪傑能卓然自信者則皆誦其書而
知其言者也因與幻余私議謂釋迦雖注法藏猶存

發願文

十三

特以梵筌重大流傳未廣誠淨易以書板梓而行之
使處處流通人人誦習孰邪孰正人自能辨之而正
法將大振矣逾十季癸未達觀大師寄跡于汾湖之
敝廬余復與商確謂利益甚大又明季甲申遇家藏
師兄于嘉禾之楞嚴觀與舊畫頗有次第即命余草
募緣文而請益于吾師五臺先生厥後具區洞觀健
竺宇泰諸兄弟相竭力謀之事遂大集余則株守渠
陽不得與奔走已丑秋幻余挾卷至官舍索余願文
書于首此事倘諧此願不虛發笑

弟子袁黃百拜謹書